

書名

群書考索
前集六十
六卷 正
德十三年
建陽劉氏
慎獨書齋
刊本

撰者

宋 章如愚 撰

卷

卷三十三

內容分類

子 類書 彙考 宋

索書號

子部 類書 17

編號

C5930300

[彩色首頁1](#)

[東洋文化研究所漢籍目錄 編號 C5930500](#)

[東洋文化研究所漢籍目錄所藏漢籍善本文影像資料庫 索書號: 子部 類書 17](#)

[漢籍善本文影像資料庫文本群書考索前集六十六卷 正德十三年建陽劉氏慎獨](#)

[書齋刊本](#)

版權所有: [東京大學](#) [東洋文化研究所](#)

[使用上的注意事項](#)

卷三十三

群書考索卷之一

前集

六經門

易類

易學傳授之圖

山堂

先生

章

俊卿

編輯

建陽

知縣

區

玉

刊行

縣丞

管

詔

校正

羅源

知縣

徐

珪

校正

周王孫

丁寬

服生

施璧

孟喜

京房

先事京房更

姚平

張禹

趙贊

魯伯

群書考索卷三十三

前集

山堂先生章俊卿編輯
建陽知縣區玉刊行
元峯蕭泗校正

。禮門

禘祫類

王制

天子禘杓祫禘祫嘗祫烝

祭法

曰有虞氏禘黃帝而郊嚳夏后氏禘黃帝而郊鯀商頌長發大禘也元
鳥祀高宗也鄭右以為禘當為祫商四時之祭春禴夏禘秋嘗冬烝故長發大禘
所以別四時之禘也周頌雍禘太祖也不言大蓋周以禘為盛祭已更
春祭曰祠夏祭曰禘周禮大宗伯以肆獻裸享先王以饋食享先王以
祠齊享先王以禴夏享先王以嘗秋享先王以烝冬享先王鄭注云宗

廟之祭有此六享肆獻裸饋食在四時之正則是禘也禘也魯禮三年
喪畢而禘於太祖春秋文二年八月大事於太廟明年春禘於群廟自
爾以後五年而再盛祭一祫一禘

陳禮書

曰古者喪除朝廟合群祖而祭焉故禘謂之朝享以合群祖為不足明
年又禘其祖之所自出故禘謂之追享禮不王不禘又曰王者禘其祖
之所自出諸侯不禘降殺於天子也然則魯何以有禘春秋何以書之
蓋成王追寵周公故也祭統云成王追念周公賜之重祭郊社禘嘗是
也魯之用禘蓋於周公之廟而上及文王者即周公之所出故也此祭
惟得於周公廟為之閔公時遂僭用於莊公之廟禮記曰以禘禮祀周
公於太廟則禘豈可
禮於群禮曰魯之郊禘非禮也周公其衰矣孔子曰禘自既灌而往吾
不欲觀之矣蓋譏其失禮也漢平帝元始中祫祭明堂後漢張純以為
禘也而章懷太子注云俱是大祭名可通也漢時以禘祫為一祭故其
禮始於光武自十八年幸長安祠高廟詔太常行禘禮至二十六年詔
問張純曰禘祫之禮不行幾年純奏三年一祫五年一禘至是始復行
議者以為光武之祭疏而怠矣魏明帝詔曰漢氏
四百年廢無禘禮唐開元六年喪畢而
祫明年而禘各自以年不相通數凡七祫而五禘至二十七年禘祫並
在一歲有司乃覺其非議者以為明皇之祭數而瀆矣國朝舊制三年
一祫以孟夏五年一禘以孟冬禘祫之月不行時享以禋祖為始祖元
豐中禮官言古者裸獻饋食禴祀烝嘗並為先王之事未嘗廢時祭故
孔穎達正義以為天子夏為大祭之禘不廢時祭之禴秋為大祭之祫
不廢時祭之嘗請禘祫之月仍行時享從之其後禮官又以僖祖而上
譜失其傳國家既求其所自出而不得則禘當缺又從之漢官舊儀載
三年一大祫祭子孫諸帝以昭穆坐於高廟諸毀廟神皆合食高祖南
司昭西南穆東南。將祫祭前期十日肆師告其太宰太宗大史師執
事而卜日既卜太宰祗滌濯司徒奉牛牲司馬奉羊牲司空奉豕牲每
廟各一牢遵人陳四簋之實醢人掌四豆之實小史叙昭穆之俎盞酒
正共五齊三酒以實八簋九服內諸侯及夷狄等來助祭所貢方物珍

異等皆陳廟庭司服共享先王則衮冕享先公則鷩冕尸服亦然其曰
太宗伯出高祖以下方主守祧出先王先公祧主皆入太祖后稷廟中
尸各位木主之左凡七尸用九獻王入奏王夏后從王而入奏齊夏尸
入奏肆夏王乃珪瓚酌畢彝爵以授尸尸受之灌地祭之以降神乃
啐之奠之此為求神之始也此為一獻后以璋瓚亞獻此為二獻次奏
黃鍾為宮大呂為角大蕤為徵應鍾為羽路鼓路鼗陰竹之管龍門之
琴瑟九德之歌九韶之舞於宗廟之中奏之若樂九變則人鬼可得而
禮矣前稷及樂皆為求神謂之二始以周人尚臭故以鬯臭次王出迎
牲入奏昭夏王親牽牲執鸞刀啓其血毛以行朝事之禮乃薦腥肉於
尸主前謂之朝踐之禮王酌泛齊以獻尸謂之朝踐之獻凡三獻也后
於是薦朝事之籩豆時堂上以大呂之調歌清廟之詩堂下以黃鍾之
調作大武之樂奏大武之時則歌維清及太武之詩獻后稷尸時樂同
降神樂章則歌思文獻先王先公則大司樂云奏無射夾鍾舞大武以
享先祖樂章則歌天作獻文王尸歌清廟獻武王尸歌執競樂同先王

先公后薦之後遂以瑞爵亞獻凡四獻也至薦熟時迎尸入室王酌盞
齊獻尸謂之再獻凡五獻也時后薦饋食之籩豆酌醴齊以亞獻凡六
獻也尸食訖王以泛齊酌尸謂之朝踐凡七獻也后乃薦加事籩豆后
以盞齊獻尸謂之再獻凡八獻也諸臣為賓酌沈齊以備卒食三獻凡
九獻太祝設饌於廟門外以索祭名為祊既九獻兼作六代之樂遂行
加爵為旅酬之始來日又祭為繹。其祫祭肆師卜日如祫祭九獻之
節廟堂之樂所用樂章祊繹一如祫祭所異者但祭毀廟以上不及親
廟禮云毀廟之主皆升合食而立二尸韓詩內傳云祫取毀廟之主皆
升合享于太廟是也其神主位按鄭元祫祫志太王王季以上遷主祭
於后稷之廟其坐位與祫祭同文武以下遷主若穆之遷主祭於文王
之廟昭之遷主祭於武王之廟其尸后稷廟中后稷尸一昭穆尸各一
文王廟中文王尸一穆尸共一武王廟中武王尸一昭尸共一其五齊
日醴齊而下四齊而已無泛齊酒亦三酒於文王之廟無降神之樂繹

王制云天子諸侯宗廟之祭春曰禘夏曰禘秋曰嘗冬曰烝注云此蓋夏商祭名周則改之春曰祠夏曰禘以禘為殷祭詩小雅曰祠祠烝烝于公先王此周四時祭宗廟之名正義曰此云春祠而郊特牲云春禘者彼鄭注云禘當為祠從此為正祭義曰春禘秋嘗鄭注云夏殷禮也周改春曰祠夏曰禘案宗伯云以祠春享先王以禘夏享先王又知周以禘為殷祭者案公羊傳云五年而再殷祭又春秋僖公八年七月禘于太廟是禘為殷祭殷大也謂五年一大祭。王制曰天子禘諸侯祫禘祫禘祫禘注云禘猶一也祫合也天子諸侯之喪畢合先君之主於祖廟而祭之謂之祫後因以為常天子先祫而後時祭諸侯先時而後祫凡祫之歲春一祫而已不祫以物無成者不殷祭周改之夏祭曰禘以禘為殷祭也正義曰案禮緯三年一祫五年一禘鄭云百王通義則虞夏及商皆與周同祫亦三年為一也皇氏取先儒之義以為虞夏祫祭每年皆為又云二時祫者謂夏秋冬或一時得祫則為之不二時俱然案鄭云三年一祫五年一禘百王通義鄭又注此云春一祫而已不祫以物無成者不殷祭也又禘祫志云王制記先王之法祫為大祭祫於秋於夏於冬周公制禮祭不欲數如鄭此言則夏商三時皆殷祭皇氏之說非也。王制又曰諸侯禘則不禘禘則不嘗嘗則不烝烝則不祠諸侯約禘禘一禘一祫嘗祫烝祫正義曰禘則不禘者虞夏之制諸侯歲朝皆闕一時之祭也此從南方始南方諸侯春祠祭畢夏來朝故闕夏禘禘則不嘗者西方諸侯行夏祭竟而秋來朝故不嘗嘗則不烝者北方諸侯行秋祭竟而冬來朝故闕烝烝則不祠者東方諸侯行冬祭竟而春來朝故闕祠也然各廢一時餘三時皆祭諸侯約禘者諸侯降於天子故約在禘上也禘一禘一祫者言諸侯當時夏祭一禘之時不及禘祭唯禘一祫而已闕時祭也嘗祫烝祫者謂諸侯先作時祭烝嘗然後為大祭之祫也

議曰

至人制禮合諸天道使不數不怠故有四時之祭焉而又設殷祭者因

天道之成以申孝敬之心用盡事終之禮禘祫二禮俱是大祭先賢所
釋義各有殊焉融王肅皆云禘大祫小鄭元注云 祫大禘小賈逵
劉歆則云一祭二名禮無差降數家之說非無典據至於大通經訓鄭
義為長 試嘗論之禮經及春秋所書皆祫大於禘按春秋公羊傳云
大事於大廟大事者祫也祫者毀廟之主陳於太祖未毀廟之主皆升
合食於太祖至於禘則云禘于莊公禘于僖公既不於太祖則小於祫
矣又逸禮記祫于太廟之禮云毀廟之主升合食而立二尸又按韓詩
內傳云禘取毀廟之主皆合升食於太祖則禘小於祫也祫則群廟之
主悉升於太祖廟禘者各於其廟而行祭禮二祭俱及毀主禘之時又
王以上毀主自在后稷廟而祭文王以下毀主自在二祧之廟而祭禘
之以祫同得為盛祭則小於祫而大於四時也魯子問主夫子曰自非
祫祭七廟五廟無虛主而不言禘小於祫明矣其祫則備五齊三酒禘
唯四齊三酒祫則備用六代之樂禘則四代而下又無降神之樂以示
其闕也

禮緯云三年一祫五年一禘說者以為天道三年一閏五年再閏故制
禮象之公羊傳云五年而再盛祭禘者所以審諦昭穆而辨之各於其
廟謂追及其祖之所自出故司尊彝又謂之追享禘其祫享先王其祫
也猶事生之有享也享以陽為主故禘以夏太宗伯肆獻裸享先王指
禘言之也祫者合也所以合聚群祖而食之毀廟之主陳於太祖未毀
廟之主皆升合食于太祖以其有三年之喪畢而朝於廟為始故司尊
彝謂之朝享祫以食享先王其食也猶事生之有食食陰也故祫以冬
太宗伯饋食之享指祫言之也 周禮。禘祭以為夏四月其說一也而
於祫祭則或以為秋或以為冬如毛氏詩解闕宮傳曰諸侯夏禘則不
拘秋祫則不嘗惟天子兼之是以祫為秋祭也崔靈恩亦云禘以夏者
以審諦昭穆序別尊卑夏時陽在上陰在下尊卑有序故因次序而祭
之。祫以秋者以合聚群生其禮最大必秋時萬物成熟大合而祭之
是亦祫為秋祭也若果為秋祭則三十九月為前二十一月為後不若

張純之說以裕為冬祭其說曰冬十月五穀成熟物備禮成故合聚飲食而祭之然二說或以秋或以冬皆取萬物成熟之時其時不同其意則一不如張純以冬十月為得其正禮。宗廟之享有五年之禘三年之祫所謂間祀也而又有四時之享焉蓋祭不欲數數則瀆故有間祀祭不欲疏疏則怠故有時享宗廟之禮總而言之有三等蓋獻裸是禘之大祭飲食是祫之次祭春享而下是時祭之小祭若以總用袞冕大牢言之亦皆為下祭也雖禘不足為大祭祫不足謂之次祭也。家語曰凡四代帝王之所謂郊者皆以配天其所謂禘者皆五年大祭之所及也

祭之制

后稷東向群昭南向群穆北向。裕祭五齊泛醴盛饌沈禘祭四齊醴盛饌沈或以為祫三齊坊記所謂醴酒在室粢醢在堂澄酒在下是也或以禘四齊禮運所謂元酒在室醴醢在戶菜醢在堂澄酒在下是也。其裸導用鵝鵠為舞司尊彝云春祠夏禘裸用鵝鵠為舞以禘在夏故也。朝踐用兩犧樽再

獻用兩象樽合樂時作四代之樂其祭禮后稷文王武王廟各一則禮實明行裸謂之晨裸繼以朝踐次乃饋饌以下是則每廟各行此禮頗難可以一日而畢又申朝踐之義釋祭則同日國朝嘉祐四年將行祫饗議者請陳瑞物及代國之寶元豐中請親祠太廟令戶部陳歲之所貢以充庭實仁祖神宗皆可其奏其後祫享應瑞寶貢物可出而陳者並不陳設親祠太廟準此四朝志

國朝舊制禮饌外設常食一牙盤元豐中罷之禮官呂希純嘗建議曰先王之於祭祀皆備上古中古及今世之食所設古器禮饌即上古中古之食也牙盤常食即今世之食也而議者乃以為宗廟牙盤原於秦漢之制殊不知三代以來自備古今之食請依祖宗舊制薦一牙盤及是始從希純之議云太祖朝太廟見舊豆簋盥問侍臣以禮樂對帝曰臣設禮器俾儒士輩行事至今太廟先進牙盤而後行禮即東節曰太祖之於禮可謂達古今之宜矣聞見錄。太祖皇帝開寶五年詔享太廟科外別置牙盤然則牙盤之制其來遠矣

獻王保以圭瓚酌鬱鬯以獻尸二獻后次王以璋瓚酌鬱鬯以獻尸

三獻薦腥朝踐之節王以玉爵酌醴齊以獻尸四獻后薦朝事之豆蓬
又以玉爵酌醴齊以獻尸五獻薦熟饋食時王乃以玉爵酌醴齊以獻
尸六獻后薦饋食之豆蓬又以玉爵酌醴齊以獻尸七獻王醴尸以玉
尊酌朝踐之醴齊八獻后醴尸以玉爵酌醴齊以獻尸九獻諸臣
醴尸又次后以玉爵酌醴齊以獻尸諸臣之獻乃所以酢尸故曰諸臣之
所酢也此皆先儒之說薛圖載之。禮書曰先儒謂大祫十有二獻非
也先儒又謂公侯伯子男三裸在九獻之內亦非也司尊彝朝踐風雨
尊皆有鬯饋食用兩尊皆有鬯蓬人醴人有朝踐王獻之后亞之諸臣
酢三獻也饋食王獻之后亞之諸臣酢六獻也醴尸三九獻也加爵不
與焉此宗廟九獻之禮也

一獻三獻五獻七獻

禮器曰一獻實三獻文五獻祭七獻神郊特牲曰郊血大饗腥三獻爛
一獻熟鄭氏謂一獻祭群小祀三獻祭社稷五祀五獻祭四望山川七
獻祭先公禮。賓客獻數禮書曰賓客之禮士一獻士冠禮卿大夫三

獻特牲

子男五獻禮器

侯伯七獻禮器

上公九獻禮器

而王饗諸侯自子

男五獻以至諸侯長十有再獻禮器

周

春秋時楚子入享於鄭九獻加蓬

豆六品

配享

大禘詩曰實為阿衡實左右商王禘于太祖則功臣與祭故末章言伊
尹也禮書書盤庚告于群臣曰茲予大享于先王爾祖其從與享之。
國朝舊制親祠太廟不配享功臣有司詔講求禮例自是親祠始與享
焉元豐三年禮官言周禮司勳凡有功者祭于大烝烝冬祭也謂之大
者物成衆多之時其祭以三時為大也方是時百物皆報其祭有功宜
矣禮記祭統衛孔悝之鼎銘曰勒于大命施于烝彝後世烝祭不及功
臣既不合禮而禘祫及之事不經見請每遇冬烝以功臣配享其禘祫
配享罷之詔凡冬享禘祫及親祠功臣並配享

先儒之辨

禮記曰三年一祫五年一禘而鄭氏徐邈又分為二說為鄭氏之說則

曰前二後一謂禘後四十二月而禘禘後十八月而禘為徐邈之說則曰前二後三謂二祭相去各三十月駁鄭氏者則曰三年而禘為月有餘二年而禘為月不足駁徐氏者則曰禘在禘前則是三年而禘禘在禘後則是三年而禘以二說攷之惟鄭氏曰魯禮三年喪畢禘於太廟明年禘於群廟自是之後五年而再盛祭一禘由此言之鄭氏依倣魯禮推明王制實為有據本朝慶曆初用徐邈說每三十月一祭熙寧八年既禘又禘此有司之失也請今十八月而禘四十二月而禘庶幾舉禮不煩事神不瀆禮官言唐開元中禮官用晉徐邈之說以二祭相去各三十月合五歲再盛祭之說以為禘禘之數本朝自慶曆以來皆三十月而一祭至熙寧五年後始不通計逮至八年禘禘併在一歲昨元豐三年四月已行禘禮今年若依舊例十月行禘享即比年頻禘復踵前失請以慶曆以來舊制通計年數皆三十月而祭詔依見行典禮四朝唐開元中二十七年禘禘在一歲

一祭二名之辨

太宗伯肆獻裸是禘祭也饋食是禘祭也司尊彝進享是禘祭也禘祭也既有此別而賈逵劉歆以為禘禘一祭二名漢平帝禘祭於明堂而張純以為禘祭章懷太子注云是大祭名可通也周禮既曰肆獻裸既曰進享又曰朝享差別其禘禘也禘則及毀廟之主禘則及於祖之所自出也安得一祭而二名哉

特享

禮書曰君子以義處禮則祭不至於數煩以仁處禮則祭不至於疏怠悽愴發於霜露之既降怵惕生於雨露之既濡此所以有四時之享商禮曰春曰杓夏曰禘秋曰嘗冬曰烝周禮春祠夏禴秋嘗冬烝王制曰天子禘祫祫禘祫嘗祫烝蓋祫有三年之祫有時祭之祫時祭之祫小祫也士虞禮曰禘祫祫禘祫嘗祫烝三年之祫大祫也蓋小祫止於未毀廟之主大祫已及於毀廟之主

天子聽朔於南門之外諸侯聽朔於太廟春秋文公六年書聞

月不告朔猶朝于廟論語曰子貢欲去告朔之餼羊鄭氏釋王藻謂天子聽朔於明堂以特牲告其帝及神配以文王武王無所經見要之告朔於廟餼以特牲謂之月祭此先王之禮也魯文公不行告朔之禮但身至廟拜謁而已故春秋譏之書禮

舊新

月令孟夏薦麥孟秋薦黍季秋薦稻呂氏月令一歲之間八薦新物開元禮加以五十二品景祐中禮官建議以謂呂紀簡而近薄唐令雖而不經於是更令四時所薦凡二十八物除依詩禮月令外又增多十有七品雖出於有司一時之議然四時登薦祖宗行之已久今欲稍加刊定取其間先王所常享用膳羞之物見於經者可依舊制存之其不經者去之幾不失禮意凡新物及時出者即日登獻既非正祭則於禮不當卜日漢儀嘗蔬之屬皆於廟而不在寢故章元成傳以為廟歲二十五祠而薦新在焉四朝漢叔孫通曰古者有春嘗菓今櫻桃熟可獻願陛下出因取櫻桃獻宗廟上許之諸菓獻由此興禮帝政和中言者謂先王建祭祀之禮必得䟽數之中未聞一日並行兩祭者也今大廟薦新有與朔祭同日者夫朔祭行於一月之首不可易也若夫薦新則未嘗卜日一月之內皆可薦也新物未備猶許次月薦之亦何必同朔祭之日也詔薦新與朔祭同日即用次日

群祀類

天子七祀

商制天子祭五祀戶一竈二中雷三門四行五也歲偏諸侯與大夫天子同周制王為群姓立七祀曰司命曰中雷曰國門曰國行曰泰厲曰戶曰竈諸侯為國立五祀曰司命曰中雷曰國門曰國行曰公厲大夫立三祀曰族厲曰門曰行嫡士立二祀曰門曰行庶人立一祀或立竈竈或立戶周有地大夫五祀無地大夫三祀禮記正義曰曲禮天子諸侯大夫皆祭五祀鄭氏注云戶竈中雷門行也此商制祭法曰天子

立七祀諸侯五祀大夫二祀士立二祀謂周制也按王制曰大夫祭五祀文與此同又鄭云五祀謂司命也中霤也門也行也厲也與此不同者王制之文上云天子祭天地諸侯祭社稷大夫祭五祀既有尊卑等級疑是周禮故引祭法五禮以解之是有地大夫祭五祀無地大夫祭三祀也有地無地見鄭氏注

漢立五祀

白虎通云戶一祀竈二祀門三祀井四祀中霤五祀

唐開元制七祀

唐初廢七祀惟季夏祀祭中霤開元中制禮祭七祀各四時享祭之於朝廷司命戶以春竈以夏門厲以秋行以冬中霤以季夏其儀具開元禮

月令中央土其祀中霤鄭氏注云中霤猶中室也古者複穴是以名室為中霤也禮中霤之禮設主於牖下開

取明故兩霤之是以後因名室為中霤也禮中霤之禮設主於牖下開

祭四時以下

祭法云理少牢於泰昭祭時也正義云素相近於次壇祭寒暑王宮祭

日也夜明祭月也幽宗祭星也雩宗祭水旱也四坎壇祭四方也有天

五祀七祀論

五祀見於周禮禮謂儀禮雜出於史傳多矣特祭法以司命泰厲為七祀而左傳家語則以五祀為重該脩熙黎句龍之五官月令以五祀為門行戶竈中霤白虎通劉昭范曄高堂隆之徒以五祀為門并戶竈中霤鄭氏釋太宗伯之五祀則用左傳家語之說小祝之五祀用小令之說釋王制五祀則用祭法之說而荀卿謂五執薦者百人侍西房侍西房則五祀固非四方之五官侍必百人則五祀固非門戶之類然則五祀所謂者其名雖同其祭各有所主也七祀之祭不見他經鄭氏以七

祀者周禮五祀為閭制然周官雖天子亦止於五祀儀禮雖士亦傳五祀則五祀無尊卑隆殺之數矣祭法自七祀推而下之至於適土二祀庶人一祀非周禮也然禮所言五祀蓋皆門戶之類而已兩漢魏晉之立五祀并皆與焉特隋唐參用月令祭法之說五祀祭行及李林甫之徒復脩月令冬亦祀井而不祀行然則行神亦特較於始行而已非先王冬日之常祀也

秦陳寶祠

秦文公以獲若石云于陳倉北阪城祠之其神或歲不至或歲數來也常以夜光輝若流星從東方來集于祠城若雄雉其聲殷殷云野雞夜鳴以一年祠之名曰陳寶祠質如石以

秦伏祠

秦德公卜居雍子孫飲馬於河遂都雍雍之諸祠以此與用三百牢于酈時作伏祠礫狗邑四門以禦蠱災孟康曰六月伏日也周時無至此乃有之漢師古云伏者謂陰氣將起迫於殘陽而未得升故為藏伏因

名伏日已立秋之後以金代火金畏於火故至庚日伏庚金也

神祠

始皇東遊海上行禮祠名山川及八神求仙人之屬八神辨自古有之或曰太公以來作之其休絕莫知起時至始皇乃祠之一曰天主祠天齊二曰地主祠太山梁父三曰兵主祠蚩尤四曰陰主祠三山五曰陽主祠之萊山六曰月主祠之萊山七曰日主祠盛山八曰四時主祠琅邪

漢蚩尤祠

高祖徇沛為沛公祀蚩尤擊鼓旗及即位詔御史令豐洽扮榆社令祀立蚩尤之祠於長安

唐親祀神農於東郊

明皇開元十九年停帝禋而祀神農於壇上以后稷配二十三年親祀神農於東郊配以勾芒遂躬耕龍畝上

唐元稹

唐永徽以前皆謂籍田壇至垂拱後乃為先農後又改為帝社壇元和五年詔以來歲正月籍田太常修撰韋公肅言籍田禮廢久矣有司無考乃據禮經參未開元乾元故事為先農壇於籍田

漢宣室受釐

漢惟祭天地五時皇帝不自行祠還致福釐未央殿前正室文帝受釐

唐壽星壇

明皇生於八月以仲秋日月會于壽星特置壇用千秋節日祭老人星及角亢七宿著之常式

東漢老人星廟在國都南郊祀之

宋朝壽星壇

景德三年八月王欽若言謹按月令八月命有司秋分日饗壽星於南郊其壇亦依靈星制度

風伯雨師

國朝每歲以立春後丑日祭風伯立夏後申日祭雨雷師諸州亦設祭淳化四年光祿寺言風雨本中祠而獻官行禮及是小祠禮料切惟風

雨之功其於萬物最大唐太宗親曾展拜今禮數混亂乞行改正從之祥符元年請令州郡長吏親享二年有司言州縣神祀並如小祀用羊一簋豆各八簋蓋各二從之

祭司寒

月令仲春之月天子乃鮮羔開冰先薦寢廟鄭注云鮮當為獻聲之誤也獻羔謂祭司寒也祭司寒而出冰薦於宗廟乃後賦之春秋傳曰古者日在北陸而藏冰西陸朝覲而出之其藏也深山窮谷固陰沍寒於是乎取之其出之也朝之祿位賓食喪祭於是乎用之其藏之也黑牡秬黍以享司寒其出之也桃弧棘矢以除其災其出入也將食肉之祿冰皆與焉正義云薦於宗廟謂仲春也乃後賦之謂孟夏也故凌人云夏頒冰左傳云火出而畢賦是也日在北陸者北陸盛也謂十二月日在昴畢之星朝見東方於時出水以賜百官若其初出薦廟時在二月也朝之祿位謂大夫以上黑牡秬黍者以其祭冰神色尚黑謂司寒

之神則元冥水神也火出而畢賦左傳云火出於夏為三月於商為四月於周為五月則火出季春建辰之月以周禮夏頒冰乃建巳之月不同者但建辰火星在卯火星始出至建巳火星漸高總而言之亦得稱火出早則三月之末晚則四月之初不其相遠又三月內有四月節時故據夏而言之。太祖建隆二年始置藏冰務而修其祭焉以四月命官率太祝用幣以黑牡祭元冥之神乃開冰以薦寢廟唐制先立春三日用黑牡秬黍祭司寒之神於冰室祭訖鑿冰而藏之仲春開冰具開元禮典

祀大火

康定元年太常博士胡宿請修火祀按春秋士句曰古之火正或食於味陶唐氏之火正曰閼伯居商丘祀大火而火紀時焉說曰火正謂火官也掌祭火星行火政後世以為火祖相土契之曾孫伐閼伯後主火星宋其後也按商立今南京太祖皇帝受命之地當房心之次以宋建統用火紀德蓋取於此至真宗始建京邑號為三都則閼伯之神上

祀大火國家之興實受其福至於祀典尤宜超異於昔今閼伯祠創度狹小又不領於天子之祠官歲時府吏享祀而已甚非報本尊始之意願詔太常列於祠宮歲時遣使齎其攝行祠事詔禮院詳定既而宿又言云云祥符中交修大禮拱揖諸神雖偏方遠國山林之禮不出經據偶在祀典者尚秩王公之攝增牲牢之品而大火閼伯國家蒙福之神宋興八十年祠官不以聞此有司之闕也又按左氏國語董因述晉侯于河公問曰吾其濟乎曰君之出也歲在大火閼伯之星也是為大表辰以成善又曰嗣續其祖以穀之滋韋昭以為辰為農祥周先后稷之所經緯以成善道子孫繼續其祖如穀之蕃滋推此而言則東方七宿房心通有農祥之稱若因舊立古祠除潔壇地臨遣近臣對祭閼伯不惟講修火政亦足以祈豐年以陶唐之舊祀祖宗之闕典一旦恢而復之為萬世法貽厥子孫永錫純嘏臣不勝區區太常禮院言閼伯為高辛火正實居商丘主祀大火能宿其官後世因之祀為貴神配火侑食亦如周棄配稷后土配社之北下歷千歲遂為重祀祖宗以來郊祀上

帝而大辰已在從祀關伯之廟每委京司長吏致奠成秩之典末始
闕然國家有天下之號實本於宋五運之次又感火德切謂宜因興
之地商立之舊作為壇兆秩大火以關伯配之每建辰戌出納之月內
降祝版詔留司長吏奉祭行事籩豆牲幣得視中福云云從之

群書考索卷三十四

前集

山堂先生章俊卿編輯
建陽知縣區玉利輯

。禮門

群祀類

太一

賈公彥周禮疏曰按爾雅北極謂之北辰鄭注云天皇北辰耀魄寶又
云昊天上帝又名太一常居以其尊大故有數名也如鄭氏之說則周
禮所謂上帝之祀昊天乃今之太一是三代亦有其祭矣。按元命包
紫微宮為大帝又云中宮太極星其一明者為太一常居文耀鉤亦云
中宮大帝其北極星下一明者為太一先合元氣以斗布常是則天皇
大帝之號也。武帝時繆忌奏祠太一方曰天神貴者大太一佐曰
五帝天子立其祠其後人上書言古者天子三年一用大牢祠三一天